

Cracov. stud. Univ. Jagell.

Promotiones Philos. Ord.

1685 14 Aprilis



3597

kal. komp.

III.

Mag. St. Dr.

P


Pręga 2969

Kaczkowski Adamus Jos. Archivum Jagellonicum Apol.

linis gemmis pretiosissimis Vr. Sd. XVI. primae

laureae Candidatorum collucens

Biblioteka Jagiellońska



stdr0004520



A
I

O

IN

M.
Phil
no

In fre

ADA

O

292

ARCHIVVM
IAGELLONICI
APOLLINIS,

Gemmis Pretiosissimis,
VV. DD. XVI. Primæ Laureæ
CANDIDATORVM,
COLLUCENS.

Iisdemq;

D U M

IN ALMA VNIUERSITATE CRACOVIENSI
P E R

Clarissimum & Excellentissimum Dominum,

M. MARTINVM OSLINSKI,
Philosophiæ Doctorem & Professore, Collegam Mi-
norem, ibidemq; Eloquentiæ Professore, interea
Contubernii Iagelloniani Seniore.

*In frequentissima Clarissimorum & Nobilissimorum Hospitum toti-
usq; Academici Senatûs corona,*

Artium & Philosophiæ Baccalaurei

RITU SOLENNI

RENVNTIARENTVR.

A B

ADAMO IOSEPHO KACZORKOWIC, Louicien:
eiusdem Laureæ Candidato:

CONCENTU LYRICO

Amoris & gratulationis ergò

CONSECRATVM.

Anno

Augustæ Virgo quo gessit munia Conchæ

Vnio cuius erat Filius ipse Dei.

1685. Die 14. Aprilis.

CRACOVIAE, Typis UNIVERSITATIS.

IN
ARMA GENTILITIA
PERILLUSTRIS & ADMODUM REVERENDI DOMINI



CANDIDA sydereo conformis vt esset Olympo
REGVLA, tum visa est res sibi velle duas.
Sydera defuerant, poscebat sydera, & axem;
NORBERTI vt Lumen posset habere polus.
Pro stellis SCZERSKI dedit ergò gemmea corda,
Inq; suo TELLO Circulus axe stetit.
REGVLA si cælum es, si dat Tibi SCZERSCIV saxem;
Stella polaris erit non ne SAGITTA Tibi?

STANISLAVS ANDREAS ROKICKI,
Auditor Philosophiæ.

PERILLUSTRI & ADMODUM REUERENDO DOMINO,

MINI
D. ALBERTO
SCZERSKI,
SACRI & CANDIDI ORDINIS
CANONICORUM PRÆMONSTRATENSIIUM,
PRÆPOSITO PŁOCENSI.
&c. &c.

Domino & Patrono Colendissimo.

Nter continuos æsuantis Bellonæ insultus, inter sauenti-
um factorum vices, Gemmea Apollinis Iagellonici dona Candido
Tuo defero pectori Perillultris & Admodum Reuerende Domi-
ne: Ut quæ literatorum parturit munera ingenium, ea, nativa ar-
morum Tuorum vis perennatura, ab omni vindicet iniuria prote-
gat lapsu, tueatur aduersitate. Quis enim ea temporum vicissitudine, ea re-
rum facie; quæ terrefacta lituorum rauco sonitu, vix suismet in ruderi-
bus spirant regna quæ vesanus Orientis furor ultimum orbi portendit exitum,
quæ praelia, victoria, ipsiq; longo labore parti triumphique quotidiana sunt bellorum semi-
na audeat? pretiosa clenodia, augustas gazas, regum delicias, ornamentum mor-
taliū gemmas: sub imbellis bellatoris animo ponere & tutela. Sumptuoso nego-
tio damnum mercari videtur is potius, quàm opima, & optima rerum diuitia-
rumque spolia pretiosis gazis, ditibus thesauris locare, qui effeminati Sardanapali
viribus, timidi Ægypti animo, non martiali ferro tutanda, defendenda rerum
pretia esse censet. Gentilitia Domus Tuæ ARMA Perillultris & Admodum
Reuerende Domine, ut primum dicatus Tuo Nomini clientis animus sagaci
trutinavit mente, non prestantius præsidium, non fortius non robustius duxit esse
tutamen; candentibus non tam candore suo, quàm amore nostro gemmis: quàm
sub Sacratiori Tello hoc, à quo integritas Religionis, amor proximi, Diuorum Diui-
norumq; honor viget, & sua ducit incrementa. Et sanè sit sua cuiuspiam feli-
citas, sub suo & in suo Clypeo tutum esse: Nobis perenne decus est & munimen
SCZERSCIANVM Tellum. lactent suos Epaminondas Thebæ, Ostendet Xer-
xes Cyrosq; Persia, Lacademonii Lysandros celebrent, Peni Annibalem efferant,
memoret Roma Cæsares, suspiciat Scipiones, miretur Augustos; quod regna, im-
peria libertatem, populorum salus, Urbium decus, suam conseruauerint gloriam
sub vindici ferro & patrocinio imperantium: Nos sub SACITTÆ Tuæ robo-
re, no-

re, nostras tute quiescere loquemur gemmas, nostras Laurus virescere. Non ne
 sat amplum & dulce presidium, mutuatusq; nostris Unionibus à Candido Tuo ve-
 niet candor pectore. Qui etiam longè felicior quam Abaris ille Sagittâ fratus
 Apollinis: antea in Admodum Reuerendo AMEROSIO WIERVSZ, Pro-
 uin: Russiæ & Magni Duc: Litu: Ordinis Minorum Conu: PROVINCIALI, &
 Definitor dignissimo; nunc in IOANNE FRANCISCO PERLINSKI, Curato Gorzko-
 uien: tot ab Archipræsulea sede claris ornato functionibus, tot celebrato encomiis
 Viro eminuiisti & emines: minora hac adhuc ratus, nisi Virtutis Tuae fastigio,
 ad honorum assurgeres culmina, nisi propriis meritis in altum nitereris. Conspectit
 hoc in Te pridem Perillustris & Admodum Reuerende Domine, Sacration
 Præpositura Plocen: dignitas, aduertit Candida Religio, vidit omnium penè in
 Te amor, quantum ex Te robur, quanta ex Gentilitiis armis Tuis decora, in dies,
 posset capere Orbis Sarmaticus. Traxit Te ipsa Virtutis & perennatis gloria Tuae
 fama, non quodpiam honorum decus, ad Sacrationes Religionis curas, quas Tu co-
 suscepisti animo, qualem vix speremus à Mortalibus, à Dijs ipsis requiramus.
 Candidum te esse voluisti, non ut candorem gloriamq; à honorum fastigio accipe-
 res, sed ut potius immortalis plenus animi ipsis dares dignitatibus. Et meruisti
 sanè plausus affectusq; nostrum omnium qui ubiq; de Tuo prestas admirationem
 immo ita meruisti, ut proximum Tibi ex Archiuo Iagellonici Apollinis gemma-
 rum candorem Diuino quodam nutu Tuum esse feceris. Patere igitur Perillu-
 stris & Admodum Reuerende Domine, pretiosa hac ingeniorum Laureato-
 rum germina, Tuis sub armis secure quiescere, patere hac augusta Unionum pretia
 sub sacrationi hasta Tua maius pretium accipere. Uigebit semper in aeo penè
 decemplici gestorum Tuorum memoria, non Cymmeriis obliuionum inuoluta tene-
 bris, non Letheis merfa fontibus; & Tuum in Nos candorem loquentur semper
 balbutientes licet Clientum Tuorum lingua, si, quem reperimus gloria factis, Vir-
 tute eximium, cum habeamus Archiu: Iagellonici Apollinis Fautorem, Vindicem,
 Protectorem. Sit ecquidem sua excelsis in Orbe illustrium Heroum facinoribus
 laus & gloria: hunc in felix Carthago reddat Africanum, illum domita Asia
 loquatur Asiaticum, alium subacta Germania nuncupet Germanicum: Maius no-
 men feret Tibi fama omnium indè, cum Archiuum Iagellonici Apollinis, splendi-
 dissimis coruscum Candidatorum gemmis, sub gentilitia SAGITTA TUA peren-
 naturum deponet felicissimè

Perillustris & Admodum Reuerendæ
 Dominationis Vestræ,

& Mecanatis Amplissimi
 Cliens deditissimus

ADAMVS IOSEPHVS KACZORKOWIC, Louicen:
 Primæ Laureæ Candidatus.

ARCHI-

PRETIOSISSIMO
Cælestium gemmarum
THESAURO.

D. JOANNI
CANTIO,

Regni Poloniae & Academiae Cracov:
TVTELARI PATRONO.

Summè æstimatam Maris Erythraei Concham, ore versus cælum hianti, ut gemmas concipiat apertam offert Author.

CUM LEMMATE:
Aperior ut Operiam.

Diffuens luxu Cleopatra non iam
Splendeat felix, pretioq; magni
Haut caput tollat tumidum vnionis;
Vincat & æuum.

Cæsares non iam memoret vetustas,
Actium cesset, Libyæq; donis
Aureum non iam solium triumphet,
Luce coruscâ.

Gemmeum nostris tulit Alma Mater
Mentibus scëlum, voluit quod olim
Roma vidisse, & Latio nitentem
Ferre coronam.

Cedit ast omnis Tibi laus Beate
Prima; qui nostris radians IOANNES
Clarus in conchis remanes, & omni
Lumine splendes.

Sacra Te Virtus posuit coruscum,
Inter augustas Iagelonis ædes,
Sempèr ut Magnus Sapientiae Sol
CANTIVS esses.

A

Laure

Laureas frondens Helicon virentes
Cum Tibi defert, Tua lux perennis
Fulget, vt candens meritò per Orbem
Gemma voceris.

Ergo cum nostris Tua Concha gemmis
Diue de cælo faueat, vouemus
Vt Tuo, nostræ Sacra gemma Laurûs
Cedat Honori.

Clarissimis & Excellentissimis Dominis,
EXAMINATORIBVS,

Clarissimo & Excellentissimo Domino,

D.M. IOSEPHO WISNIOWSKI,
Philosophiæ Doctori, Collegæ Maiori, Astrolo-
giæ & Geometriæ Ordinario Professori,

Ac interea

Artisticæ facultatis **DECANO** Dignissimo.

Clarissimo & Admodum Reuerendo Domino,

**D.M. FRANCISCO ANTONIO
TOKARSKI,**

Philosophiæ Doctori, Collegæ Maiori, Regio Pro-
fessori, Ecclesiæ Collegiatae Sanctæ ANNÆ
CANONICO.

Clarissimo & Excellentissimo Domino,

D.M. MARTINO OSLINSKI,
Philosophiæ Doctori, Collegæ Minori, ibidemq;
Eloquentiæ Professori, ac interea Contubernij
Iagelloniani Seniori.

In argumentum debitæ venerationis &
gratitudinis.

Trio-

Triopthalmos gemma: cum Onyche na-
scens, tres hominis oculos simul
exprimens.

CUM LEMMATE:

Lumina terna Sophorum.

Quis audet amplam Lumina gloriam
Efferre Vestram laudibus inclytis?
Virtutem, & aureas sacrati
Pectoris ingenuę dotes.
Vos non Arion pectine Lesbio,
Non dulcis Orpheus Threicię Lyrę,
Non docta Choritę posset
Castalijs celebrare plectris.
Quam clara Vestris fulget honoribus
Regnatq; virtus, & pietas chori
Selectioris de popello
Principis arbitrio superni;
Est testis auo pronus in ultimo,
Eritq; semper, laudum, Academia
Famę perennantis per annos
Innumeros, generosa nutrix.
Primum in cathedris Te sibi WISNIOWI
Virtus celebris protulit Herculem,
Es inter ordines Togatos,
Laurigeriq; chori Imperator.
Clara corusco sydera lumine,
Audax volucris prepetis ingeni
Pennę reuoluis, atq; mente
Astrigerum moderaris orbem.
O eruditi gloria nominis!
Obliviosi nescia seculi,
O Splendor! ô Cracię vetuste
Præsidium! columenq; Matris.

Intaminata splendor adorea
Late per Orbem Te feret aureum,
Te candor, & virtus beato
Culmine, pro meritis locabit.
Felice Vatum Te quoque spiritu
Musa loquentur, rostraque publica;
Dum recreas plectro TOKARSKI
Eloquioque animos disertio.
Plausus mereris, diuitis ingenij
Exercitatis muneribus potens,
Quidquid Platonis Dia Musa,
Quidquid Aristotelis beata,
Summa reuoluit mens sapientia,
Ausu occupasti magnanimo impiger:
Narrabit auro quod nepotum
Posteritas, rigida aestimatrix.
Virtutis almae. Dicet Athenaeum
Illustre Craci, quanta laboribus
Mereris ornamenta, quantis
Laudibus institeris Professor.
Nec laude inanem vis Tua reddidit
Te clare vatum, Te Latij decus;
Emergit OSLINI decoro
Ingenij Tua fama cultu.
Doctis amicum te penetralibus,
Apollo Thymbraeus Aonijs sacro
Choro camenarum, & verendum
Thuricremis sociavit aris.
Suadella dulcisnectare melleo,
Conspersit oris labra decentia,
Linguamque non parco liquore
Imbuit, eloquij suauis.
Lucis coruscum tergemina decus:
Ergo coronent gemmea Nomina,
Vestrosque consignent honores
Ingenio, probitate, claros.

ARCHIVVM IAGELLONICI APOLLINIS

I. V.D. MICHAELI NIETSCH,
Chrysolampis gemma fulgentibus noctu radiis
lampades igneas lucemque suauissimam
repræsentans.

CVM LEMMATE

Splendet & Ornat.

R Oxolanæ splendor gentis tum gloria summa,
Pieridumq; decus, patrio NIETSCH care Leoni:
Qua Te Voce canam? vel quo Te pollice tactum
Reddet Eburna chelijs? vel quæ Tibi tibia carmen
Inflabit? multis nam quod natura negavit
Dona, seu sparsim dedit aurea mentibus, at Te;
Ornavit cunctis, cumulans sua munera in vnum.
Prominet hinc niuæ frontis Tibi pulchra corona,
Et vittis Helicon vatem fulgentibus ornat.
Pollentem ingenio virtusq; laborq; molestus
Fecit, & eloquio facundum Tullius ipse;
Respondetq; Tuo genio Diuina MATHESIS.
Ergo cælesti dotatus munere felix,
Caraq; progenies Phæbo, Patre Consule digna;
Maeste animo! doctamq; geras in pectore mentem:
Maioresq; Tuos præclaro sanguine cretos,
Fac animi virtute feras, cum laude perenni.
Eccè Tibi captiuus honor sua colla ministrat,
Vt possis patriæ cerni lux, hic, vbi claras
Exuias, validâ posuit Leo fortis in Vrbe.

II. V.D. ALBERTO CAROLO
MROWCZYNSKI,
Gemma Augusti vultum eius maiestate plenum
repræsentans.

CVM LEMMATE

Similes reddit partus labore honor.

*S*urge prudentium genuina proles;
Laureis ornans caput eruditum;
Quod Tibi poscit meliore Sanguis
Lumine cretus.

*I*lla KŮCHARSCI Sapiens Minerva,
Nomen & summum, Tibi mille laudes
Clare MROWCZYŃSKI dedit, & futuro
Proferet auro.

*I*actet enixas renitente conchas
Rore, non parcus sator unionum
Indus & lucri; pretioque Memphis
Surgat onusta.

*N*os Tibi maius pretium feremus,
Teq; KŮCHARSCI genio loquemur.
Gemmeum pectus simili tulisse
Mentis in umbra.

*Q*uæ Tibi pulchrè dedit hora nasci,
Ducet æternum sine clade soles,
Saniat quamvis notus & sonorum
Imbribus aquor.

III. V.D. VALENTINO LIPOWSKI,

*Berillus gemma probatissimo colore viriditatem puri
maris representans.*

C V M L E M M A T E

Viret vt floreat tandem.

*P*alladis ad fontes dum Te venisse videmus,
Fronde vbi sub sacra culta Minerva viget;
Et sua veridicus pulsans vbi pollice fila
Delius, Aonio claret in Orbe choro.
Mens Tua LIPOWSKI claris innotuit actis,
Atque, Aganippæo fonte rigata scatet.
Protinus emeritos confert Tibi Phæbus honores,
Et Tua cum lauru tempora Pindus amat.
Insignem pretio ponens in fronte Berillum
Vt vireas, tandem, præmia digna ferens.
Et Tua flexanimæ sapiens facundia suadæ
Ex gemmis pretium possit habere suum.
Vt vireat studioque sophum victura perennet.
Gemmeus à Musis sic Tibi cedit honos.

IV. V.D. IOANNI PAPIEZOWIC,

*Sandaistros gemma in qua scintillantes fulgent
aureæ guttæ.*

C V M L E M M A T E

Micat Virtus aurea in Te.

*F*elix quem posuit sua
Clarum conditio, & surgere contulit
Augustè in penetralibus
Regum Sors fragilis; ritè beatior

Cui virtus patiens fauet,
 Et dulci obsequitur pectore nobilis.
 Catus laurigeros Tua
 Splendescens recreat parta laboribus
 Virtus, difficili loco:
 Quam tu Palladis montibus inclutam,
 Nunc fausto aggredieris pede.
 PAPIEZOWIC, opes laurigeras Tibi
 Donat Pindus amabilis:
 Sertis condecorans tempora lactea.
 In quam superis fauor
 Diuorum genuit catibus indolem!
 Te Parnassus & integer,
 Augustis Helicon conciliis feret
 Sublimem: vel eburneis
 Plectris concinet egrè Polyhymnia.

V. V.D. IOANNI FRANCISCO ROKICKI,

Pyropus gemma ignitis radijs ardescens.

C V M L E M M A T E

Ardet semper æmula gloriæ virtus.

Passibus augustis semper mens tollitur omnis,
 Quæ petit eximio:
 Ardua per rerum spatia atq; in calle verendo
 Culmine stare diu.
 Nec pallens timido procedit nescia vultu
 Mens heroica viri.
 Immò præcellas volitat benè tuta per auras,
 Omneq; vincit onus.
 Sic Tua te virtus decorat redditq; vigentem
 Moribus ingenio.
 Ardua nam multis fuerunt quæ, prima sub omni
 Vis Tua prominuit
 Candescens ictu, valido comitata labore.
 Et velut aurigero
 Scintillans vultu, posuisti prospeta de Te
 Indolis eximie
 Omina: cum clarum Tibi nectar Tullius ipse
 Inseruit genio.
 Dulcis & Aoniis sociavit Delius vndis
 Te sibi laurigerum.
 Vt cæso felix ROKICKI munere laudis,
 Præmia digna feras.

VI. V.D. STANISLAO DASZCZYNSKI,

Sardonix Policratis gemma fortunæ prodigio
 celebris.

C V M L E M M A T E

Maior fortuna sub lauru.

Mitte Sectari, quis amana prater
Prata resplendens eat are Ganges :
Est satis pulchrum, redimire molli
Tempora lauru.

Alter Eoo pretiosus auro,
Gemmeâ zonâ moderetur artus ;
Alter elapsos Tyrio lacertos
Subliget. oſtro.

Gratior pulchra studiosa menti
Laurus, annosâ dominatâ scèlis :
Cuius illustri gemino triumphus
Insidet Orbi.

Clare **DASZCZYŃSKI** Tibi vis perennis
Panditur laudis, Tua quod virescens
Cingat, excelsa rutillans honore
Tempora fertum.

Non magis sortis studium superba,
Inter augustas fauet atq; splendet
Copias gaza, Tua quam sub umbra
Gloria laurus.

Laureatorum niuea Sorores,
Hic erit vestra fidicen camana :
Barbita flectens Helicone toto
Culmina Pindi.

VII. V.D. FABIANO ROSZTABINSKI,

*Amianthus gemma, contra quam ignium vehementia nihil
prodest quinimò puriorem reddit.*

C V M L E M M A T E

Pulchrior ab igne.

HActenus innocuo nimium dilecta colori,
Æmula liligeris radiabas candida cignis
Virtus **ROSZTABINSKI**: quam de pectore prompto
Aufur magnanimo posuit mens apta studendi.
Ast nunc candidior remanes, cum pressa per ictus
Multos, laurigeros Heliconis poseis honores.
Non piguit tantos te promerè sæpe labores,
Dignus vt Aoniis legereris pulcher in vndis,
Felix Aufoniis si quando Tullius oris
Exitit ; & genio valuit : tu ritè per omnes
Eloquio promptus Cathedras iam clare vigebis :
Et sua veridicum cognoscet patria ciuem.
Magnanimâ ratione potens, quos splendor auitus
Extulit, assequeris : patrio benè limine ciues.
Quod Tibi splendenti spondens de vertice laurus,
Gemmeâ cum gemmis feret amplam gloria laudem.

VIII. V. D. I A C O B O M I C H A E L I
B I E N K I E W I C Z,

Carbunculus gemma fulgoris maximi, ignium si-
militudine ardens.

C U M L E M M A T E

Luceat ut aliis.

Quâ celsa Craci mania Vistula
Effusus undis lambit humentibus,
Et quâ dicatus nidus olim
Floret Apollineis camanis,
Hic clara fulsit gloria B I E N K I E W I Z,
Baccata sacro fulgure mentium, &
Ornavit illustrem, fauentum
Conciliis studiisq; Divum.
O quem serena vultus adorea,
Effusa dulci Palladis agide
Ornant trophæa vel triumpho!
Laurigero radiante ferto.
Laudis perennem singula gloriam
Loquetur atas, te memorabilis
Sermo virosum nec vigenti
Laurigerum sine laude vatem.
Feretq; serò nomina gloria
Inscripta cordi fama perennior;
Doctrina, virtus, laureatis
Cum meruit super ire ferto.

IX. V. D. P E T R O S A M E L O W I C Z,

Leucopatelos gemma lacteum candorem aureo fulgori
intermiscens.

C U M L E M M A T E

Aureus ab ore fulgor.

Eximias prensare vices vis summa laboris
Est. Merito passu condecorare graue est
Virtutem celsam. Meritorum gloria poscit:
Præclarâ melius posse vigere togâ.
Quod Tibi Palladii celsit decus omne Senatûs,
Diceret ut laudes suada diserta tuas.
S A M E L O W I C Z Tibi flexanimum natura decorem
Contulit, & sacrâ munera grata manu.
Ergo tuus te semper honor, te celsa loquetur
Mens, & præstantem dicet in orbe sophum
Rostraq; pro meritis capies benè passibus altas;
Quò tua te virtus, quò tua fama vocat.
Quod Tibi pacificâ portendit fronte corona:
Gemmaq; laurigero condecorata gradu.

C

X. V. D.

X. V.D. IOANNI WYPORKOWICZ,
Libanochros gemma thuris similitudinem osten-
dens, sed succum mellis habens.

C V M L E M M A T E.

Dulcia fert sacratior laurus.

Vlt fortuna laboribus
Tolli. Dulcia tum non meruit, cui :
 Præcox gloria nominis
Arrisit placido vultu, & amabilis
 Quem felix legit, & cui
Non radix studii præfuit aspera.
 Multos munera dulcia
Ornant immeritos, absq; laboribus :
 WYPORKOWIACÆ suus
Virtuti labor est, & sua gloria.
 Claram ; dotibus ingenii
Felix, eximiis quam tulit actibus.
 Poscent florida tempora.
Te semper, validum dicet & Herculem
 Christi vinea fertilis.

XI. V.D. PAULO SWIDERSKI,
Amphitane gemma India, auro similis, aurum ut ferrum
ad se trahens.

C V M L E M M A T E.

Te virtus traxit ad Coronas.

Felix quod mentes Traianus traxit in ostro :
 Flexanimosq; virum
Illustrans animos, Samius quod liber in omni
 Sortis amante vice
Lumina multorum conuertit. ritè beatus
 Exstitit ingenio.
SWIDERSKI, sua quem virtus deduxit in altum.
 Mentis & integritas.
Litauus hunc narrabit ager, tum clara per omnes
 Splendida fama vehet.
Laurigero redimitum ferto latè patria ciuem
 Dicet, & emeritos.
Conferet excelfo de culmine semper honores ;
 Quos Tibi musa dabit.

XIII. V.D. ADAMO CASIMIRO
BANASZEWIC,

*Iaspis gemma purpurea rosæq; colorem smaragdino virori
intermiscens.*

CUM LEMMATE

Rosæ tuo veniunt ab ore.

AN Tymbanteos imitata flores
Picta formosis. noua merges herbis.
Alta mens? cuius sibi luctuosus
Dissidet ausis
Sors. hic illustris cui copiosa
Penè felici genio ampla gaza
Insidet, quali dedit ire magnos
Roma Nepotes.
Gratus ut flos est roseus sub orbe,
Grata sic virtus sapiens in altis
Mentibus fulget, pretiosior
Digna coronâ.
Hæc Tibi musas & amica Phabi
Corda tot donis poterit mereri,
Quot Tibi laudes dedit eloquentis
Gloria suade.
Lauream quidquid decet auspiciatam,
Hoc Tibi totum feret alma virtus.
Dum BANASZEWIC Tibi pulchra fies
Ipse corona.

XIV. V.D. MARTINO IOSEPHO
ZAPCZENSKI,

Hexacontalitos gemma multitudine colorum admirabilis.

CUM LEMMATE

Mirus ad omnia sensus.

EXtollat Zeuxem magnum decantet Apellem
Græcia; tum tollat felix ad sydera mentem
Ingenio celerem: volucres, quod bacca rubescens
Traxerit artificis; mortales luserit alter.
Ingenio semper claros est magna secuta
Gloria tum clarum Græcis tulit omen in oris,
Sed tua ZAPCZENSKI fulget magis æmula virtus,
Consilio præstans, dum pollet, moribus, arte.
Si regale fuit, celsis post prælia vittis
Condecorare caput Latio, & post sortis iniquæ

Arma, triumphali circumdare tempora lauru.
Gratior Aonidum per culmina gloria magnæ
Indolis, atq; tuæ dulcis facundia suadæ
Est: quam tu ingenuo tum miro pectore clarus,
Late frondenti traxisti munere laurus.

XV. V.D. LAURENTIO IOANNI
P O L I T O W I C Z,
Cardisce gemma, in qua pulcherrimo naturæ ope-
re effigies cordis eminet.

C U M L E M M A T E

Hic cor sapientiæ nitet.

*Q*uo Te beatam nomine consecrem
O mens Deorum! Quo vel idoneus
Cantabo sublimem, & canoro
Regna super populosq; plectro?
Mens eruditis quippè nitoribus
Clarescit in Te P O L I T O W I C Z magè;
Fulgurq; gratum quod sacraſti
Ingenio meliore musis,
Accendit in te nobile pectoris
Natura lumen, sed magis à tuâ:
Virtute doctâ laureatum
Dulce Tibi iubar explicasti.
Oſpes parentum! quam Cratii decor
Fouet Lycai, nec popularibus
Ornauit illustrem, fauentum
Conciliis studiisq; Diuum.
Te reddet auro ponè decemplici
Corona laurus, viuet & amula
Doctrina laudis, tum probosâ
Viuus eris sine fraude splendor.

XVI. V.D. FRANCISCO IOANNI
K L A K O W I C Z,

Alexandri Macedonis gemma os dilectum Hephestionis
signans.

C U M L E M M A T E

Gemmeum ab eloquio decus.

Si nunc

Si nunc auricomus Lydia septies
 Voluit dona Tagus, Nereidum Patri:
 Si gazis patulos irrigat aureus
 Ganges Mygdoniis agros.
 Quantas mellifluis parturiet sacra
 Baccis laurus opes, quas procū arduum
 Latè traxit opus, gloria nobilis,
 Pandens difficilem viam.
 Hinc Martis decus, & regna cadentium,
 Communita ducum, fors volucris gradu.
 Auratæq; trabes & penetralia
 Submittunt propè debitos
 Fasces, laurigeræ Palladis ægidi,
 Te fas, & superis præses honoribus
 KŁAKOWICZ sequitur splendor, & inclyta
 Festis gloria passibus.
 Et quem nobilium sydera mentium
 Cingunt, hunc superum dos comitabitur
 Fulgenti pretio, florida tempora
 Gemmis condecorans tua.
 Te splendor niuæ mentis idoneus,
 Te deposcit honor; Diua laboribus
 Vult adnixa suis Mater, & aureis:
 Laurus poscit honoribus.

XVII. V.D. MATHIÆ CANTIO
 BOGUSŁAWSKI,
 Concha Emerici Vespucii, quam in sua nauigati-
 one vidit Centum & triginta gemmas
 concipientem.

CVM LEMMATE

Munera pulchra fero.

A Vrea dum tenui scrutari dona labore
 Duximus, Aoniæ gemmea scēla virūm
 Condecorare. Lyræ, tum rerum terminus instat
 Iamq; suam claudit dulcis Apollo chelym.
 BOGUSŁAWSKI mens tua felix munere pulchro
 Aduenit & multâ condecorata vice.
 Ingentem pretio portans in fronte coronam:
 Gemmea quam decorat gloria pulchra domūs
 Pegasidum, quam tu meruisti; hoc munere clarus:
 Quod vincas alios, splendida dona tuo
 Deportans gremio, cum Conchâ claudis honestè
 Gemmas, quas posuit gloria sola virūm.
 Ergo felici dotatus munere, felix
 Fac animo vigeas, Emericiq; decus
 Grande feras, nostrasq; tuo bene pectore gemmas
 Serues incolumis, quod Tibi poscit amor.

D

XII. V. D.

XII. V.D. ADAMO IOSEPHO
K A C Z O R K O W I C,

Primæ Laureæ Candidato,

AUTHORI OPERIS.

*Adamantem pretiosum, quo, Zona aurea ad ligandos Candi-
datorum animos distincta est.*

C V M L E M M A T E.

Hac ligasti & obligasti.

In argumentum mutui affectûs & gratulatorij
applausus.

IACOBUS MICHAEL BIENKIEWICZ,
eiusdem Laureæ, Candidatus offert dicatq;

Fulget æternus nitidi coloris,
Plus Valoris fert adamas, nec omni
Diuiti gemmæ eximioq; torqui,
Cedit honore.

Zona censetur potiorque semper
Cincta, tam insigni lapide, & monile
Omnium mentes oculosq; ducit,
Pondere tanto.

Fulget hic in Te lapis eruditæ
Mentis, Archiuo renitens moderno,
Atq; sic fulgens adamas, A D A M I
Nomine splendet.

Iamq; Te cingit data Zona cæli,
Ipse cingas vt, capiasq; corda
OKACZORKOWIC! quia nos coruscis
Ignibus ornas.

Perge, & in nostris Studijs palæstram
Promoue, vt primûm superes labores
Omnium nostrum, lapides quibusq;
Dona dedisti.

Et liges, fausta Tibi scæla vitæ
Hoc Tuo, quo nos adamante Vincitos
Iam ligas Vates; Tibi corda nostra,
Reddis amica.

Atq; , ceu ictus adamas minaces
Vincit, æternos Tua fama viuax
Sic dies vincat, meritiscq; suppar,
Impleat orbem.

Permissu Magnifici Domini

R E C T O R I S.

HO
C,

andi-

orij

CZ,
i

VX

CO

